



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 8 DE SU 25/01/2023

OGETU: *PROGETUS PNRR - CUMPUDU DE IS INTERVENTUS E DETERMINATZIONI DE IS CAPITULUS DE INTRADA E DE GASTU PONENDI IN APLICU IS INDITUS DE SA RAGIONERIA GENERALI DE SU STADU.*

S' annu 2023, su 25 de su mesi di Gennàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i>Nòmini e Sangunau</i>	<i>Càrriga</i>	<i>Presenti</i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	Eja
Sorgia Silvia	Assessori	Eja
Solinas Marco	Assessori	No
Garone Katuscia	Assessori	Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

### Postu chi:

- sa Cumissioni Europea at presentau in su mesi de argiolas 2020 “Next Generation EU” (NGEU), unas cantu measuras econòmicas po is Stadas membrus, de 750 milliardus de èurus, po parai fronti a sa crisi pandèmica e econòmica ocasionada de su COVID-19;
- sa cumponenti prus de importu de su programa NGEU est su Dispositivu po sa “Ripresa e Resilienza” (Recovery and Resilience Facility, RRF), cun dura de ses annus, de su 2021 a su 2026, po unu totali de 672,5 milliardus de èurus (312,5 suventzionis, is àterus 360 milliardus prestidus a tassus agevolaus), de is 750 milliardus de NGEU;
- su RRF (Recovery and Resilience Facility), istituuiu cun su regulamentu (UE) 2021/241 de su Parlamentu europeu e de su Consillu de su 12 de friàrgiu 2021 ponit in craru is ses àreas mannas de interventu chi nc’ ant a traballai is PNRR: trantzidura birdi, tramudu digitali, crèscida intelligenti e inclusiva, coesioni sotziales e territoriales, saludi e arresistèntzia (aguantu) econòmica, políticas po is generatzionis noas;
- po gosai de is fundus de Next Generation EU (NGEU), cada Stadu membru depit aprontai unu Pianu natzionali po sa *ripresa e la resilienza* (rennou e aguantu) (PNRR - Recovery and Resilience Plan) po stabiliri unu programa coerenti de reformas e investmentus po is annus 2021-2026;
- su Pianu italianu chi ddi nant “Piano Nazionale di Ripresa e Resilienza (PNRR)” su Governu italianu dd’ at presentau a manera ufiziali su 30 de abrilu 2021 e aprovau de parti de su Consillu ECOFIN su 13 de argiolas (notificau a s’ Itàlia de su Segretariau generali de su Consillu cun annotadura de su 14 de argiolas 2021) est su strumentu chi, gràtzias a is fundus de su Next Generation Europe, at a fai s’ Itàlia prus giusta, sustenìbili e inclusiva;
- su Pianu Natzionali de “Ripresa e Resilienza” dd’ ant aprontau cunforma a is inditus de su Regulamentu (UE) 2021/241, chi in s’ art.3 nd’ at stabilii s’ àmbitu de aplicatzioni sceberendi is puntus de fundòriu: trantzidura birdi, tramudu digitali, crèscida intelligenti e inclusiva, coesioni sotziales e territoriales, saludi e arresistèntzia (aguantu) econòmica, políticas po is generatzionis noas;
- su PNRR est partziu in 6 missionis, 16 cumponentis, 197 measuras cun àinturu 134 investmentus e 63 reformas, coerentis cun is prioridadis europeas e funtzionalis a is obietivus econòmicus e sotzialis definitus de su Governu italianu;
- is 6 missionis funt:
  - ° Missioni 1: digitalizatzioni, innovatzioni, competitividadis e cultura;
  - ° Missioni 2: rivolutzioni birdi e tramudu ecològicu;
  - ° Missioni 3: infrastruturas po una mobilitadadi sustenìbili;
  - ° Missioni 4: istrutzioni e circa;
  - ° Missioni 5: inclusioni e coesioni;
  - ° Missioni 6: saludi;

### Bius:

- su decretu-lei 6 de maju 2021, n. 59, mudau cun sa lei 1 de su mesi de argiolas 2021, n. 101, cun is “Measuras de apretu de su Fundu complementari a su Pianu natzionali de “ripresa e resilienza” (rennou e aguantu) e àteras measuras apretosas po is investmentus”;
-

- su Decretu-lei de su 31 de maju 2021, n. 77, mudau cun sa lei 29 de argiolas 2021, n. 108: “Governance de su Pianu natzionali de “ripresa e resilienza” e primus mesuras de afortiamentu de is struturas amministrativas e de allestradura e simplificadura de is protzeduras”;
- su Decretu-lei 9 de làmpadas 2021, n. 80, mudau de sa lei 6 de austu 2021, n. 113: “Mesuras apretosas po s’ afortiamentu de sa capatzidadi amministrativa de is amministratzionis pùblicas po ponni in aplicu su Pianu natzionali de “ripresa e resilienza (PNRR)” e po s’ atòliu de sa giustìtzia”;
- su decretu-lei de su 6 de onniasantu 2021, n.152, mudau de sa lei 29 de idas 2021, n. 233: “Dispositzionis apretosas po cumpriri su Pianu natzionali de *ripresa e resilienza* (PNRR) e po parai fronti a is infiltratzionis mafiosas”;
- su DPCM de su 15 de cabudanni 2021, chi acrarat is modalidadis, is tempus e is strumentus po sa rilevatzioni de is datus de esecuzioni finantziària, fisica e protzedurali pertocanti ònnia progetu finantziàu ainturu de su Pianu Natzionali de *Ripresa e Resilienza* (rennou e aguantu), aici puru de is *milestone* e *target* de is investmentus e de is reformas e de totu is àterus elementus informativus prevìdius in su Pianu chi serbint po sa rendicontatzioni a sa Cumissioni europea;
- sa lei 30 de idas 2020, n. 178, chi in su puntu 1037 e puntus imbenientis at istituui su Fundu chi ddi nant Next Generation EU po sa gestioni tzentrali de is resursas de su PNRR chi ndi benint de s’ Unioni europea e incàrrigat su Ministeru de s’ economia e de is finàntzias a s’ adotzioni de unu o prus decretus po sa definitzioni de is protzeduras amministrativu-contàbilis po sa gestioni de is resursas de su PNRR;
- su Decretu de su Ministeru de s’ Economia e de is Finàntzias de su 11 de ladàmini 2021, “Protzeduras asuba de sa gestioni finantziària de is resursas prevìdias in s’ àmbitu de su PNRR cunforma a s’ art.1, puntu 1042, de sa lei 30 de idas 2020, n.178”;

**Bius:**

- s’ art. 17, paràgrafu 2, de su Regulamentu UE 2021/241 chi at istituui su Dispositivu po sa “Ripresa e la Resilienza” (Rennou e Aguantu) narat, finas, chi “si podint amiti is mesuras giai cumentzadas de su 1 de friàrgiu 2020 chi siant cunformas a su Regulamentu”. Sa data lìmiti de su 1 de friàrgiu 2020, stabilida dae su Regulamentu UE 2021/241, s’ est sceberada po permiti s’ inclusioni de Mesuras in linia cun is obietivus de su RRF ma cun is primus fasis cumentzadas giai in perìodu de pandemia COVID-19;
- su Decretu de su Ministeru de s’ Economia e de is Finàntzias de su 6 de austu 2021 de “Assinnatzioni de is resursas finantziàrias prevìdias po is interventus de su Pianu natzionali de *ripresa e resilienza* (PNRR) e partzidura de obietivus po scadèntzias de rendicontatzioni dònna ses mesis” e modificatzionis aprovadas cun DM de su 23 de donniasantu 2021 e DM de su 3 de su mesi de friàrgiu 2022;

**Cunsiderau** finas su Manuali de is protzeduras finantziàrias de is interventus PNRR aprovau cun sa Tzirculari de sa Ragioneria generali de su Stadu n. 26 in dii 29 de argiolas 2022, chi narat: “Po assegurai sa perimetratzioni prevìdia de s’ art. 9 de su decretu-lei n. 77/2021, is entis territorialis, in contabilidadi finantziària, aberint unu capìtulu ainturu de su pianu esecutivu de gestioni o de su bilàntziu finantziàriu gestionali po s’ individuatzioni de is intradas e de is bessidas chi pertocant su finantziamentu spetzìficu e aciungint sa descritzioni de is capìtulus cun s’ indicatzioni de sa missioni, cumponenti, investmentu e CUP. Is entis chi gosant de resursas PNRR po prus òperas finantziadas cun su pròpiu decretu depint prevìdi unu capìtulu a parti po cada progetu”;

**Cunsiderau chi:** - su CUP s’ est individuau comentì elementu de primori finas po su funtzionamentu de su sistema de monitoràgiu ReGiS e duncas bolit arremonau, po assegurai su

cullegamentu a unu progetu de investimentu spetzìficu, in totu is documentus amministrativus e contàbilis, in paperi o informàticus;

- su CUP bolit arremonau finas in su cuntratu e in is òrdinis de pagamentu;
- po is progetus cun protzeduras de gara giai fatas ainnantis de s' amissioni a finantziamentu de su PNRR, chi bolint cumpudaus e rendicontaus cunforma a su chi previdint is progetus finanziaus cun is resursas de su PNRR, sa perimetratzioni, cun riferimentu a is annualidadis antetzedentis giai rendicontadas, est possìbili sceti cun s' integratzioni de is descritzionis de is capitulus, finanziaus de primitziu cun resursas statalis, cun s' indicatzioni de sa missioni, cumponenti, investimentu e de su CUP;
- a mudai is rendicontus giai aprovaus no est netzessàriu;
- serbit un' atu formali cun su cali s' enti pigat atu chi su progetu at a essi gestiu comentu progetu PNRR e si ndi pigat finas totu is òbligis previdius de sa normativa PNRR po is entis"

**Biu** su documentu finanziàriu de is Mesuras de su PNRR allegau 1 a su Manuali de is protzeduras finanziarias (aggiornau a su 15 de argiolas 2022), chi individuau is investimentus de su PNRR intre:

- progetus chi pertocant linias de finantziamentu previdias de dispositzionis de lei giai in vigèntzia intradas in su PNRR (PNRR-no nativus);
- progetus nous nàscius ainturu de su PNRR (PNRR-nativus);

**Biu** su cumpudu de is finanziaimentus arricius de s' Enti e intraus in su PNRR;

**Bidas:**

- sa delìbera de Consillu Comunali n. 66 in dii 05/08/2022, esecutiva, e modificatzionis e integratzionis imbenientis, chi at aprovau s' annotadura de aggiornamentu a su Documentu ùnicu de programatzioni 2022/2024;
- sa delìbera de Consillu Comunali n. 66 in dii 05/08/2022, esecutiva, chi at aprovau su bilàntziu de previsionis 2022/2024;

**Ca** tocat a averiguai torra is capitulus de intrada e de gastu destinaus a is interventus finanziaus cun resursas intradas in su PNRR, chi siant in lìnia cun is indicatzionis de su Manuali de is protzeduras finanziarias de is resursas PNRR in allegau a sa Tzirculari RGS n. 26/2022;

**Biu** su documentu in allegau a custu atu etotu, funt indicaus po cada CUP ainturu de su PNRR:

- a) su nùmeru de CUP;
- b) sa suma de su finantziamentu otènnida ainturu de is resursas de su PNRR;
- c) su capitulu de intrada e de gastu innui si funt postas is resursas, cun sa codìfica econòmicu funtzionali;
- d) su capitulu de intrada e de gastu torrau a nominai cunforma a is indicatzionis ministerialis;
- e) is stantziamentus de bilàntziu;
- f) is riferimentus a sa missioni, cumponenti, investimentu e Amministratzioni tzentrali titulari;

**Sendi chi** in is datus indicaus in su documentu in allegau ddoi funt giai is elementus cunforma a is linias de sa Ragioneria Generali de su Stadu cun Tzirculari n. 26/2022, ca funt ogetu de variatzioni de bilàntziu e de PEG in s' interis de s'annu 2022;

**Arriciu** parri a favori de regularidadi tècnica segundu s' art. 49, puntu 1, de su D.Lgs. n. 267/2000 de parti de su Responsàbili de su Setori Traballus Pùblicus Ing. Enrico Concas;

**Arriciu** parri a favori de regularidadi contàbili cunforma a s' art. 49, puntu 1, de su D.Lgs. n. 267/2000, de parti de sa Responsàbili de su Setori Finanziàriu Sa Dotora Cambiganu;

---

Cun votazioni a favori e a totòmini cunforma a sa lei,

## **DELÌBERAT**

**De aprovai** su riconoscimentu de is finanziauentus no nativus PNRR chi s'agatant in is interventus finanziaus cun is resursas de su Pianu Natzionali de "Ripresa e Resilienza" cunforma a su DM Economia e finànzias de su 6 de austu 2021 e integratzionis imbenientis cunforma a su ligòngiu in sub a);

**De pigai atu** chi is CUP indicaus in su ligòngiu sub a) (progetus no nativus PNRR) s' ant a considerai comentis progetus PNRR;

**De sighiri** totu is òbligus prevìdius de sa normativa PNRR po is Entis;

**De donai atu** chi cun votazioni a parti si decrarat in vigèntzia custa deliberatzioni, cunforma a s'art. 134, puntu 4, de su D.Lgs. 18 de austu 2000, n. 267.

---